



**A**Lanus de rupe eruditione & integritate uite conspicuus extitit. Hic pietatis & studiorum causa sese in ordinem Dominicanorum recepit, & magna existimatione inter fratres uixit. sua enim doctrina & mirabili facundia homines inter concionandū à uitijis ad uirtutes perduxit. quod etiam uerbo non poterat, id exemplo perficiebat. Hic Alanus Rosarium S. Mariæ conscripsit, & hominibus proposuit. scripsit etiam Psalterium Mariæ, atque de Rosarij miraculis, cum quibusdam alijs. Ob Mariæ etiam Rosarij honorem fraternitatem instituit, quæ per Apostolicam sedem confirmata, plurima passim incrementa sumpsit. Tandem is in cō-

uentu suo Suollēsi moritur, in uigilia assumptionis Mariæ uirginis, anno 1474. Trithemius.